

Suliffeqarnermi innersuussisarneq il.il. pillugit Inatsisartut inatsisaat

Kapitali 1

Nassuaatit atuuffilu

§ 1. Suliffeqarnermi innersuussisarneq paasineqassaaq suliffeqarnermi ineriarneq siuarsarniarlugu nuna tamakkerlugu, illuinnaasiunngitsumik akeqanngitsumillu sullissinertut, taamatuttaaq sulisartut suliamut tunngatillugu nukitorsarneqarnissaat nunamilu nuttarsinnaanerat ilanngullugit.

Imm. 2. Suliffissamik innersuussisarneq paasineqassaaq suliffissarsiortup sulisitsisullu akor-nanni suliffeqarnermi pissutsit aalajangersimasut pilersinneqarnissaat siunertaralugu attaveqaqtigisssinertut.

Imm. 3. Suliffeqarnermi innersuussisarfiup suliassaraa inuussutissarsiutinit atorfinnillu assi-giinngitsunit tamanit suliffissarsiortunut suliffissanik innersuussisarneq aamma sulisitsisinut sulisussanik innersuussisarneq. Taamatuttaaq suliffeqarnermi innersuussisarfiup ilinniagaqarnermut tungasuni qinnuteqartunik siunnersuineq allaffissornikkullu aqtsineq suliassarai.

Imm. 4. Inatsit sulinermut Kalaallit Nunaanni suliarineqartumut atuuppoq, tassunga ilanngullugit suliffissarsiortut Kalaallit Nunaanni suliffissarsiortut killilersimaarneqarnissaat pillugu Inatsisartut inatsisaat naapertorlugu nunatsinni sulisartutut isigineqartut.

Kommunalbestyrelsip suliassai

§ 2. Kommunalbestyrelsip suleqataalluni suliffeqarnermut tunngasutigut ingerlatsinerminnut ilanngullugu

- 1) Kommunimi suliffeqarnermi ineriarneq malinnaavigissavaa,
- 2) Kommunimi iliuusissanik inuussutissarsiortnerup ineriarortinnejnarneranut suliffissaqartitsinermullu pingaarutilinnik aallartitsisarnissamut tunngavissat pilersissavai suliniutigisassallugillu, kiisalu
- 3) Kommunimi suliffeqarneq pillugu paasissutissat katersussavai nalilorsorlugillu, paasissutissallu tamakk Naalakkersuisunut nalunaarutigisassallugit.

Imm. 2. Imm. 1, nr. 3 naapertorlugu Naalakkersuisut nalunaarutiginnitarneq pillugu erseqqinnerusunik malittarisassanik aalajangersaasinnaapput.

§ 3. Kommunalbestyrelsi pisussaavoq kommunimi suliffeqarnermi innersuussisarfissaqartitsissalluni, taamatuttaaq suliffissanik innersuussisarnermik aamma ilinniartitaanernut inuussutissarsiutinnullu ilitsersuuisarnernik aaqqissuussissalluni, §§ 5 - 9 takukkit.

Imm. 2. Kommunalbestyrelsip kommunimi suliffissaqartitsineq pillugu kisitsisitigut paasissutissat

Naalakkersuisunut nalunaarutigisassavai.

Imm. 3. Naalakkersuisut communalbestyrelsip kisitsisitigut paasissutissanik il.il. nalunaaruteqartarnera pillugu malittarisassanik aalajangersaasinnaapput.

§ 4. Kommunalbestyrelsip sulissutigissavaa kommunimi suliffeqarnermi illuatungeriit pisortallu ingerlatsiviisa akornanni tatileqatigiiffiusumik qanittumillu suleqatigiinnermik pilersitsisoqarnissaa, taamaalilluni sulisartut ineriaortinneqarnerannut suliniuteqarnissamut tunngavissaqalissammat, siunissami qaninnermi ungasinnerusumilu inuussutissarsiortut pisariaqartitaannut kommunimilu inuussutissarsiutit ineriaortinneqarnerannut periarfisanut tulluussakkani.

Imm. 2. Kommunalbestyrelsi kommunimi sulisartut piginnaasaasa nukittorsarneqarnissaannut suliffissaqartitsinermut tunngatillugu iliuusissanik aallartitsinissamut siunnersusuussaqaq.

Imm. 3. Kommunalbestyrelsi suliffissaqartitsinermut tunngatillugu aamma/ imaluunniit ilinniartitaanermut tunngatillugu immikkut neqeroorutinik inuuusuttunut 30-t ataallugit ukiulinnut sammisitanik aallartitsissaqaq.

Inuussutissarsiutinut ilinniartitaanernullu ilitsersuisarneq kiisalu suliffissanik innersuussisarneq

§ 5. Kommunalbestyrelsi suliffissarsiortnunut inunnillu piginnaanngorsaanerup ingerlaneranut imaluunniit Piareersarfinni suliniutinut peqataasunut ataasiakkaanut iliuusissanut pilersaarusiussaqaq.

Imm. 2. Inuussutissarsiutinut ilinniartitaanernullu ilitsersuinermut ilaapput inuussutissarsiummmik ilinniartitaanermillu toqqaaniarnermi ikorsiinerit.

Imm. 3. Kommunalbestyrelsi Inatsisartut inatsisaat manna malillugu communalbestyrelsip suliassaasa allaffissornikkut aqunneqarnerannut Piareersarfinnik pilersitsisinhaavoq.

Imm. 4. Kommunalbestyrelsi inuussutissarsiutinut ilinniartitaanernullu ilitsersuinerup kiisalu suliffisanut innersuussisarnerup inernerana pillugu Naalakkersuisunut nalunaaruteqarnissamut pisissaaffeqarpoq.

Imm. 5. Naalakkersuisut pissutsit imm. 2-4-mi taaneqartut piviusunngortinneqarnissaannut malittarisassanik aalajangersaasinnaapput, taamatuttaaq Piareersarfitt pilersinneqarnerannut ingerlanneqarnerannullu tapiissuteqartarneq pillugu malittarisassaliorssinnaallutik.

§ 6. Suliffissamik innersuussisoqartinnagu akissarsiat aamma sulinermi atorfinitstaanermilu atugassarititaasut allat pillugit paasissutissat pissarsiarineqassapput.

§ 7. Suliffissanik ataavartuusunik innersuussineq, suliffissarsiortup najukkaminit nuuttariaqarneranik nassataqartitsisoq pisinnaavoq

- 1) nuunneq suliffeqarnermi najukkami suliamullu tunngatillugu pisariaqartitanik naliliineq aallaavigalugu kissaatigineqartutut isigineqarpat,
- 2) suliffissartoq akuersippat,
- 3) innersunneqartoq angallanneqarnermut pisattanillu nuussinermut aningaasartuutissinneqassanngippat,
- 4) najugarisami naammattunik piginnaanilinnik sulisussaqanngippat, aamma
- 5) innersunneqartoq inissaqartinneqassappat.

Imm. 2. Sulisartup najugaqarfiquagaanit qimagulluni ukiup ilaatigut sulinermut imaluunniit piffissami

killeqartumi sulinermut innersuussineq pisinnaavoq:

- 1) nuunneq suliffeqarnermi najukkami suliamullu tunngatillugu pisariaqartitanik naliliineq aallaavigalugu kissaatigineqartutut isigineqarpat,
- 2) suliffissarsioroq akuersippat,
- 3) innersuunneqartoq angallanneqarnermut pisattanillu nuussinermut aningaaasartuutissinneqassanngippat, aamma
- 4) najugarisami naammattunik piginnaanilinnik sulisussaqanngippat.

Imm. 3. Naalakkersuisut aningaaasartuutit imm. 1, nr. 3-mi aamma imm. 2, nr. -mi taaneqartut matussutissaannut tapiissuteqarsinnaapput. Naalakkersuisut tamakku pillugit malittarisassanik erseqqinnerusunik aalajangersaasinnaapput.

§ 8. Sulisussanik sulisitsisumut imaluunniit suliffeqarfimmut innersuussisoqarsinnaanngilaq sulisartut kattuffiannit soqutigisaqaqatigiiffimmilluunnit allamit uppernarsaatit sukumiisut malillugit sulisartut suliumajunnaarneranni imaluunniit sulisitsisut mattussineranni eqqugaasumut, tamanna isumaqatigiissutinut akerliusutut nalilerneqarsimannngippat.

§ 9. Atorfimmut inuttaqanngitsumut sulisussamik naleqquttumik innersuussisoqarsinnaagaa-ngat tamanna pillugu communalbestyrelsi sulisitsisumut nalunaaruteqartassaaq.

Imm. 2. Sulilernissaagaluaq piviusunngunngitsoorpat sulilernerluunniit aallartikkaluannaq taamaatitinneqarpat sulisitsisoq pisussaavoq tamanna pillugu communalbestyrelsimum piaartumik nalunaaruteqassalluni taamatullu tamatumunnga pissutaasoq nalunaarutigissallugu.

Imm. 3. Sulisitsisoq sulisussanik innersuunneqartunik itigartitsisoq angallanneqarnermut pisattallu nuunnerinut aningaaasartuutigineqarsimasunik utertitsilluni akiliisussaataavoq, sulisussanik allanik sulilersineq itigartitsinermut pissutaasimappat sulisitsisorlu communalbestyrelsimum piffissaagallartillugu suliffigiligassamut angalanerup pinngitsoortinnejqarsinnaasimagaluarneranik ilisimatitsissuteqarsimannngippat.

Aalajangersakkat assigiinngitsut

§ 10. Naalakkersuisut nuna tamakkerlugu suliffissanik nalunaarsuivimmik pilersitsisinhaapput, suliffissanik neqeroorutit, suliffissaaleqinermik allaffissornikkut aqutsinerup aammalu kisitsisitigut paasissutissiornissat nalilersuillunilu misissueqqissaarnissat siunertaralugit tunngaviusumik paasissutissat katersorneqarfingisinnaasaannik suliareqqinnejqarfingisinnaasaannillu.

Imm. 2. Naalakkersuisut imm. 1 malillugu suliffissanik nalunaarsuiffiup pilersinnejqarnissaa pillugu malittarisassanik aalajangersaasinnaapput, taamatuttaaq suliffissanik nalunaarsuiffiup atornissaanut communalbestyrelsip pisussaaffi pillugit malittarisassaliorinjaallutik.

§ 11. Naalakkersuisut kommunini sulisunik suliffeqarnermi innersuussisarnermik il.il. sulia-qartunik ukiumoortumik pikkorissartitsisassapput.

Imm. 2. Naalakkersuisut communalbestyrelsintut qinersisoqareernerani tamatigut communalbestyrelsimum ilaasortanut peqqussummi matumani pineqartunik suliassaqartitaasunut pikkorissartitsisassapput.

Imm. 3. Imm. 1 aamma 2 naapertorlugit pikkorissartitsinernut aningaasartuutit Nunatta Karsianit kommuninillu akilerneqartassapput.

§ 12. Naalakkersuisut suliassaqartitsinermik siuarsaaniarluni iliuutsinut aamma Piareersarfinni suliniutinut tapiissuteqarsinnaapput, takukkit § 4-imi imm. 2 aamma 3. Tapiissutit annertussusissaat ukiumoortumik aningaasanut inatsisini aalajangersarneqartassapput.

Imm. 2. Naalakkersuisut tapiissutit agguanneqartarnerinut akilutigineqartarnerinullu maleruagassanik aalajangersaasinnaapput.

§ 13. Naalakkersuisut suliffissaaleqinerup akiorneqarnissaa kiisalu suliffeqarnermi innersuussisarnerup pisariillisaavigineqarnissaa ineriertortinnejarnissaalu siunertaralugit misileraanerit pillugit malittarisassanik aalajangersaasinnaapput.

§ 14. Naalakkersuisut ukiumi qaangiuttumi suliffeqarnermi suliniutaasut aamma piffissami aggersumi anguniagaasut taamatuttaaq malitseqartitsinissat aallartinnejassanersut pillugit ukiumoortumik nalunaarusiortassapput.

Naammagittaalliuuteqartarneq

§ 15. Inatsit manna malillugu kommunalbestyrelsip aalajangiinerinik naammagittaalliuutit sapaatit akunneri sisamat qaangiutsinnagit Naalakkersuisunut suliassangortinnejarnissaapput.

Atuutilerfia

§ 16. Inatsisartut inatsisaat ulloq 1. juli 2014-imi atuutilissaaq.

Imm. 2. Tamatumunga peqatigitillugu Suliffeqarnermi innersuussisarneq il.il. pillugu Inatsisartut peqqussutaat nr. 10, 18. december 2003-meersoq atorunnaarsinneqassaaq.

Imm. 3. Malittarisassiat Inatsisartut inatsisaanni taaneqartumi imm. 2-p malitsigisaanik aalajangersarneqartut ingerlaannassapput, inatsisartut inatsisaannit matuma imaluunniit allat malitsigisaannik allanngortinnejarnissanik atuukkunnaarsinneqarnissamilluunniit tungaannut.

Namminersorlutik Oqartussat, ulloq 8. juni 2014

Aleqa Hammond

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut